

Tur indicacion ta cu:

MEP SO LO BAI FORMA GOBIERNO

Medidanan sumamente impopular por ser spera awor di parti di Gobierno di Aruba

ORANJESTAD(AAN)—Durante un conferencia di prensa ayera, Sr. Betico Croes a duna di conoce cu dia 24 di december despues cu el a invita e diputadonan pa tuma nan retiro y despues di cual a tuma lugar un reunion di fraccion y e decision a cay pa e diputadonan entrega retiro, MEP a extende invitacionnan na independientenan, partidonan politico y gremionan pa por mira si por yega na formacion di un gobierno insular.


El a trece dilanti e alternativanan di gobierno politico cu Think Tank banda di dje, y si esey no ta factible un gobierno consistiendo di MEP Independientenan y gremionan.

"Comoquiera cu AVP a pone adelanta condicionnan cu pa MEP no tabata aceptable, esta cu MEP ta haya cu cualquier condicion mester ta di indole procedural den con-

tenido, a reuni y a surgi di tres alternativa, esta MEP, PPA, Independientenan y gremionan. Ora cu nos a haya e contestacion di parti di PPA cu nan ta kere solamente den un gobierno nacional Camara di Comercio a saca su conclusion di lo no participa den gobierno cu un partido politico so.

REUNIONAN TENI

Dialuna partijraad di MEP a tuma e decision cu MEP lo asumi su responsabilidad di yega na formacion di un gobierno. Sinembargo den curso di dia nos a haya e informenan di Camara di Comercio, di parti di hendenan cu a papia cu Sr. Pedro Kelly y ademas di parti di sindicatonan, di cu si nos tur sinta na mesa tin e posibilidad pa nos yega na formacion di un gobierno y weita ta kende lo cay afo. Apesar di e decision di MEP di dialuna, di acuerdo cu e



Diario

DI ARUBA

Bo Matutino
Netamente Arubiano

DIASABRA 12 DI JANUARI 1985

AÑA 4, No. 1227

desarollo nobo, diamars nos a manda telegram participante punto di vista di partijraad y carta manda diarazon, y door di contacto cu nos a continua teniendo cu Comercio, Sr. Pedro Kelly y independientenan y sindicatonan, nos a dicidi diarazon atardi pa extende unavez un invitacion na e partidonan politico y gremionan pa purba haci un ultimo sondeo pa yega na un gobierno nacional cu participacion di e gremionan. Diahuebs mainta nos a pospone RCOA y for di e reunion cu a ser teni a surgi e proposicion pa

manda telegram invitando AVP atrobe. Sr. Nisbet no por a firma pasobra e mester a bay partijraad pa e por firma tal telegram. Mi a splike cu si un lider politico ariba procedura, ni e autorizacion e no tin pa duna su apoyo na un telegram, anto si e ta pone un duda grandi tras di su liderazgo E telegram a bay sin firma di Sr. Nisbet." Sr. Croes a splica.

Ayera mainta e reunion mester a tuma lugar entre tur partido politico y gremionan y a haya telegram di PPA den cual PPA ta informa entre otro "cu

conseho di partido tumando nota di posicion di consehero general y contenido di declaracion di AVP na television, ta constata cu no tin base pa yega na un gobierno nacional, segun concepto di PPA."

NO PARTICIPACION DI AVP NI PPA

PPA a menciona entre otro tambe cu un gobierno nacional mester consisti di tur partido politico y gremio di comunidad y di otro forma PPA

Sigui lesa pag. 7



Ayera tabata tin eleccion di reina infantil na Dakota y na San Nicolas. Aki riba por mira momento cu Sr. Rafi Williams ta corona reina infantil di Dakota Anabella Maduo. Shayenne Maria a termina como runnerup. Ariba e otro foto na man drechi po mira Sr. Gabby Illidge coronando reina di San Nicolas, Marely Nicolaas. Ludwina Paskel a termina como runnerup.

